



Inatsisartunut ilaasortaq Erik Jensen Siumut

Akiitsut pillugit § 37 naapertorlugu apeqqu nr. 22/2022

Brevdato: 08-02-2022
Sagsnr. 2022 - 2647

Inatsisartut suleriaasianni § 37, imm. 1 naapertorlugu akiitsut pillugit apeqquiti ataani allassimasut saqqummiuppatit.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Kommunini tamani meeqqanut akilersuutininut innuttaasut akiitsui katillugit qanoq annertussuseqarpat?

Akissut:

Meeqqanut akilersuutininut akiitsut januar 2022-mi 418 mio. kr.-upput.

2. Ukiuni kingullerni 5-imi akiitsut ineriartornerat qanoq isikkoqarpa?

Akissut:

Ukiuni kingullerni tallimani 2018-imit 2022-mut akiitsut ineriartornerat nalunaarsuiffimmi ataaniittumi takuneqarsinnaavoq.

Ukioq	2018	2019	2020	2021	2022
Meeqqanut akilersuutininut akiitsut (mio. kr.)	372.776	383.605	371.313	412.688	418.121

Ukiuni kingullerni tallimani meeqqanut akilersuutininut akiitsut nikerarput. Piffissamili 2020-2022-mi amerliartoqqajaasimallutik.

Piffissami 2020-2021-mi aningaasaqarnermut atortorissaarut nutaaq Prisme Namminersorlutik Oqartussani kommuninilu atuutsinneqalerpoq, kiisalu Akileraartarnermut Aqutsisoqarfimmi akiliisitsiniartarnermi periuseq nutaaq atuutsinneqalerluni. Aningaasaqarnermut periutsip nassatarisaanik suleriaatsit nutaat atuutilissapput, pisariillisaasoqassaaq paasissutissaatillu ingerlaarnerat pitsaanerulissalluni. Periutsit nutaat atuutsilerneerisigut Namminersorlutik Oqartussat kommunillu iluarsaassipput paasissutissanillu misissuillutik, kiisalu suleriaatsinik pitsanngorsaallutik, tamatumani akiitsut il.il. soorunami ilaatinneqarlutik. Taamaattumik meeqqanut akilersuutit eqqarsaatigalugit pisortanut akiitsullit amerlanerulerneris kisimik pinnatik aammali paasissutissaatit pitsaanerulerneris 2020-mit 2022-mut amerleriaateqartoqarneranut pissutaagunarput.

Aningaasaqarnermut periutsip nutaap 2022-mi atuutsinneqalernerata nalaani akiitsut nutaat nalunaarutigineqartut ilaasa kingusinaalaarnissaat ilimanaateqarpoq, tamatumalu ukiuni tulluuttuni kisitsit akornanni annertussutsit sunniuteqarfigisinnaassallugit.

3. Kommunit ukiumut taakkunannga akiitsutigut annaasartagaat Namminersorlutik Oqartussaniit matussuserneqartarpat?

Akissut:

Pissarsiassaqartut ataasiakkaat annaasaqaataasinnaasut nammatarissavaat. Meeqqanut akilersuutinit annaasat kommuninit ataasiakkaanit nammanneqartarput. Pisunili meeqqamut ataataasoq eqqartuussivimmit aalajangerneqarsinnaasimatinnagu imaluunniit angajoqqaajusup aappaa toqusimatillugu kommunit aningaasartuutaat Namminersorlutik Oqartussanit utertinneqartarput.

Taamatullu Namminersorlutik Oqartussat akitsuutinit pissarsiassaqartillutik annaasaqaatigisinnaasatik aamma nammattarisarpaat, soorlu qamutit motorillit akileraarutaannik.

4. Taamaattoqarsimangippat Inatsisartut inatsisiliarisimasaat pissutigalugu kommunit aningaasanik annaasaqartarnerat Naalakkersuisut qanoq isumaqarfigaat?

Akissut:

Apeqqutinut 2, 3 aamma 5-imut akissutit takukkit.

5. Akiitsut ikilisikkiartornissaat anguniarlugu aqqissutissanik suliaqartoqarpa?

Akissut:

Meeqqanut akilersuutinit akiitsut akiitsullu allat akilersinniarnarat ingerlaavartumik sulissutigineqarpoq. Aningaasaqarnermut atortorissaarutip nutaap, pingaartumillu akiliisitsiniartarnermi periutsip nutaap atuutsinneqalernerisa kingunerisaanik, piffissat ilaanni akiitsut akilersinneqartut ikinnerulersimapput. Tamatuma peqatigisaanik coronap kingunerisaanik ukiuni kingullerni nunarput tamaat angalaarluni akiitsunik akiliisitsiniartarnermik ingerlatsiniarneq ilungersornartoqarsimavoq.

Kommuninit Namminersorlutillu Oqartussanit peqataaffigineqartumik suleqatigiissitaliortoqarsimavoq. Suleqatigiissitaliap ilaatigut meeqqanut akilersuutinit maanna aqqissuussinermi allannguutaasinnaasunik isumaliuteqarnissaq suliasaraa. Suleqatigiissitaliaq 2021-mi novemberimi kingullermik ataatsimiippoq, maannalu atorfilltatt akornanni suliaq ingerlateqqinneqarluni. Meeqqanut akilersuutit siumoortumik tunniunneqarsimasut utertillugit akilersinneqarniarnaranni isertitaqqortussuseq apeqqutaatillugu periusissiasinnaasumik siunnersuusiorinissaq tamatumunnga ilaavoq.

Ineqarnermut akiliutitut suliasaqarfimmut atatillugu akiitsoqarnermut siunnersuisarnermi misilittakkat pitsaasut pilersinneqarput. Suliniut tamanna

misiligummik suliniutitut aallartinneqarpoq, maannalu nuna tamakkerlugu atorneqalerluni. Akiitsoqarnermut siunnersuinermi tunngaviusumik siunertarisaq tassaavoq innuttaasup aningaasaqarnera akiitsuilu pillugit toqqaannartumik oqaloqatiginissaa, taamaalilluni innuttaasut akiitsoqalernissaat annertunerusumik pinngitsoortinniarlugu. Tamanna akiitsorineqalereersut annertussusiannut immini annertuumik sunniuteqangaarnaviannngilaq, akiitsuilli nutaat amerlassusiisa ikilisarnissaannut iluaqutaasinnaassalluni. Tamanna pissutigalugu akiitsoqarnermut siunnersuisarnerup suliassaqarfiit siuliani taaneqareersut saniatigut suliassaqarfiit attuumassuteqartut iluini ineriartorteqqinneqarnissaa Naalackersuisut kissaatigaat.

6. Naalackersuisut allanik paasissutissaasinnaasunik peqarpat?

Akissut:

Naamik.

Inussiarnersumik inuulluaqqusillunga



Naaja H. Nathanielsen